

Oppdragsgjevar: **Mats Bjånes**

Oppdragsnr.: **52106533** Dokumentnr.:

Til: Eidfjord kommune

Frå: Norconsult as v/ Eirin S. Kvale

Dato 2021-09-16

## ► Søknad om mindre planendring Grov, gnr. 19 bnr. 251

På vegne av vår kunde Mats og Anita E Bjånes ynskjer Norconsult AS å søkje om endring av plan jf. Plan- og bygningslova §12-14 andre ledd. Saka gjeld omregulering av areal frå parkering til fritidsbustad, for 19/251 (tomt T24) og del av eigedom 19/232, ved Grov. Tiltakshavar har vore i dialog med Eidfjord kommune, og fått rettleiing om at det i slike saker kan søkjast om endring av plan, og at endringa truleg kan handsamast etter forenkla reglar jf. PBL §12-14 andre ledd.

### Gjeldande plan og situasjon

Detaljplan for **Fet, gnr.19, bnr. 1 og 2 m/fl** med PlanID 2013002 vart vedteken 23.06.2015 og regulerer arealet til fritidsbebyggelse og parkering. Arealet som skal endrast vert i dag nytta til tilkomst/parkering for eigedom 19/251. I tillegg er det i gjeldande plan regulert tomtegrenser for 19/251.

### Formålet med endring av plan

Eigar av tomt T24 (19/251) ynskjer å kjøpa parkeringsplassen han i dag nyttar og tilføra dette areal til sin eigedom, 19/251. I gjeldande plan er det lagt inn tomtegrenser i plankartet som må justerast og tilpassast nye grenser.



Gjeldande situasjon



Framtidige eigedomsgrenser vist med raudt

Planendringa gjeld soleis to punkt:

- Føremålsendring frå parkering (sosikode 2080) til fritidsbustad (sosikode 1120)
- Justera regulert tomtegrense, til å vera samanfallande med nye føremålsgrenser for tomt T24.

Oppdragsgiver: Mats Bjånes  
Oppdragsnr.: 52106533 Dokumentnr.

Planendringa omhandlar kun endring av plankart, og føresegnene vert uendra.

## Planendring ved forenkla planprosess

I medhald av pbl § 12-14 2.ledd kan ei planendring handsamast med forenkla prosess dersom «*endringene i liten grad vil påvirke gjennomføringen av planen for øvrig, ikke går utover hoveddrammene i planen, og heller ikke berører hensynet til viktige natur- og friluftsområder*». Denne planendringa vil, slik me ser det, ikkje ha påverknad på gjennomføringa av planen og heller ikkje gå ut over hovuddrammene i planen.

Planendringa inneber at arealføremålet vert endra, men sjølve bruken av arealet vert uendra jf. dagens situasjon. Regulert parkeringsareal var truleg tiltenkt tomtene T24 og T25. Tomt T25 nyttar i dag eige tomt til parkering, medan T24 fortset bruken av parkering på området.

Vidare skal ein vurdere om endringa vil påverke omsynet til viktige natur- og friluftsområde. Desse omsyna vert vurdert nedafor.

## Vurdering av ulike omsyn

### **Endra arealbruk:**

I underkant av 200m<sup>2</sup> skal endrast frå arealføremålet parkering til fritidsbustad. Arealet vert i dag nytta til parkering / tilkomst for eigedom19/251.



Ortofoto av dagens situasjon, saman med gjeldande reguleringsplan

Oppdragsgiver: Mats Bjånes  
Oppdragsnr.: 52106533 Dokumentnr.

- **Parkering:** Det er i gjeldande plan lagt opp til at parkering kan skje på eige tomt. Det er krav om 1,5 parkeringsplass pr. tomt. Vidare står det i føresegnene at parkering på tomtene ikkje skal reknast med i grad av utnytting for tomtene. Ein legg difor opp til at tomt 19/251 vil halde fram med å parkere på same området som i dag, men at arealet no vert del av regulert areal fritidsbustad, og del av eigedom 19/251.
- **Tilkomst/vegssystem:** Endring av plan, frå parkering til fritidsbustad, kan truleg sjåast på som ein negativ konsekvens for trafikken i området, då arealet moglegvis kan nyttast som snuhammar. Likevel ser ein ikkje på dette som eit stort problem, då det i enden av denne vegen (om lag 50m aust) er eit større areal regulert til anna vegareal og parkering, som i dag, og i framtida, vil verta nytta til bla. snu plass.



Område for snu plass

## Justerte tomtegrenser

I gjeldande plan er det for aktuell fritidsbustad regulert tomtegrenser. For at eigar av tomt 19/251 skal kunne tilføye nytt areal for fritidsbustad til si tomt, er det også naudsynt å justere regulerte tomtegrenser. Ein ynskjer at desse vert samanfallande med nye føremåls grenser for tomt 19/251. Tomta er i dag 1208m<sup>2</sup> stor, og vil med nye grenser vera rundt 1420m<sup>2</sup>.

## Utnyttingsgrad:

I gjeldande plan er maksimal utnyttingsgrada 20% BYA for fritidsbustad. Det er likevel sett ei maksimal utnytting pr tomt på 200m<sup>2</sup> der % BYA tilseier høgare utnytting. Tomt 19/251 er 1208m<sup>2</sup> stor, og vil såleis ha ei maksimal utnytting på 200m<sup>2</sup> – uavhengig av utviding av tomtegrensene eller ikkje.

## Konsekvensar for natur- og friluftsområde


I gjeldande plan er det ikkje tilrettelagt for grønne korridorar eller stiar like i nærheita av området som omhandlar reguleringsendringa. Det er regulert område for friluftsliv nord for eigedom 19/251, og på sørsida av tilkomstveg. Det er ikkje registrert viktige naturtypar i dette området.

Oppdragsgiver: Mats Bjånes  
Oppdragsnr.: 52106533 Dokumentnr.

Sidan reguleringsendringa i praksis ikkje vil medføre endring av dagens bruk, kan ein ikkje sjå at endringa vil få konsekvensar for natur- og friluftslivsinteresser.

## Oppsummert

Figur under viser ny regulering av tomt T24 ved Grov. Oppsummert ser ein ikkje at planendringa vil ha vesentlege negative konsekvensar, då endringa i hovudsak kun påverkar involverte eigedomar.



Ny regulering av tomt T24

Med bakgrunn i vurderingane over, vert det søkt om planendring etter reglane i PBL §12-14 2.ledd for detaljplan for **Fet, gnr.19, bnr. 1 og 2 m/fl** med PlanID 2013002, for eigedom 19/251 og 19/232.

01	2021-09-16	For godkjenning i kommune	Eisan	Kamyk	Eisan
<b>Versjon</b>	<b>Dato</b>	<b>Omtale</b>	<b>Utarbeidd</b>	<b>Fagkontrollert</b>	<b>Godkjent</b>

Dette dokumentet er utarbeidd av Norconsult AS som del av det oppdraget som dokumentet omhandlar. Opphavsretten tilhøyrar Norconsult AS. Dokumentet må berre nyttast til det formål som går fram i oppdragsavtalen, og må ikkje kopierast eller gjerast tilgjengeleg på annan måte eller i større utstrekning enn formålet tilseier.